

Jipañ Er Ilo Iaļ eo Aer N̄an M̄weo

Būreejtōn Henry B. Eyring

Rikakpilōklōk eo Kein Kajuōn ilo Būreejtōnji eo Kein Kajuōn

Jej jipañ ajri ro nejn Anij em̄man tata jen wāween ko n̄an kalōk tōmak ilo Jisōs Kraist im An jep̄laaktok Kojpeļ eo an eļañne rej em̄man dettaer wōt.

Ro jeiū im jatū, Jemedwōj Ilañ ekōṇaan im ej aikuji jipañ eo ad n̄an boktok ajri in Jetōb ko Nejin n̄an m̄weo n̄an E bar juōn alen. Ij kōnono rainin n̄an jodikdik ededeļok aer pād ilo Kabuñ eo em̄ool An ro im emōj aer jino etal ilo iaļ eo eaidiñ in aidik n̄an bar rool n̄an im̄weo im̄wer Ilañ. E ekōṇaan bwe ren bōk ilo aer iddik wōt kajoor in jetōb n̄an pād wōt ioon iaļ eo. Im E ej aikuji jipañ eo ad n̄an bōkļok er ļok ilo iaļ eo ilo iien eo em̄okaj tata eļañne rej jino in jejļok ak em̄ōkadm̄kad.

Ikar juōn Bisop eo em̄man dettan ke iaar jino lo an alikkar etke Irooj ekōṇaan bwe jān kōkajoorļok ajri ro eļañne rej dik wōt im m̄okaj in lōmōren er. Inaaj jiroñ kom̄ juōn bwebwenato kōn juōn armej eo em̄man dettan eo im eaar kwaļok wōn ro ij kajjioñ n̄an jipañ er iiō ko ļok.

Liin eaar jijet iturājet in tebōļ eo an bisop. Liin eaar kōnono n̄an eō kōn mour eo an. Liin eaar peptaij im kar kapen āinwōt juōn uwaan Kabuñ in ke eaar ralitōk an iiō. Eaar ejjeļok dān in kōmjalaļ ilo mejān ke eaar kwaļok eļōñ ļok jān rōñoul iiō ko kar ālkin, bōtaab eaar wōr būromōj ilo ainikien. Liin eaar ba bwe iaļ in jerawiwi eo an eaar jino kōn kālet ko n̄an kobaļok ippān armej ro eaar lōm̄nak raar kaitoktok limo. Liin eaar jino kakkuri ta ko ilo kar jino in n̄an e raorōk ļok jān kien ko jet.

Liin m̄okta eaar eñjake jidik būromōj im jidik pōd. Bōtaab kobaļok ko ippān ro m̄ōttan raar kōm̄mane juōn eñjake ekāāl n̄an kōṇaan im kōn menin kōttōpar eo an n̄an ukweļok eaar āinwōt dik im jaorōk. Ilo an aorōk kien ko liin eaar kakkuri ļapļok, ettōnak eo an juōn m̄weo em̄ōṇōṇō indeo eaar jino jako ļok.

Liin eaar jijet iurājet jān n̄a ilo an kar ṇa etan kabūromōjm̄ōj. Liin eaar kōṇaan bwe in lōmōren e jān aujid eo an jerawiwi eo im eaar eñjake bwe eallok. Bōtaab iaļ eo deeo n̄an diwōj ej n̄an e n̄an kōjerbal tōmak ilo Jisōs Kraist, n̄an wōr bōro erub, n̄an ukweļok, im ilo wāween in eaar erreō, oktak, im kajoorļok kōn pinmuur eo an Irooj. Iaar kwaļok aō naan in kam̄ool n̄an e bwe eaar

pidodo. Im eaar lukkuun pidodo, enaaj kar laploḵ an pen jān ñe enaaj kar kōjērbal tōmak ilo jino in mour eo an ilo iaḷ eo ñan m̄weo ippān Anij im ke liin eaar jino kōlmenloḵjeḷ.

Kōn menin, em̄man tata ad jipaḅ ajri ro nejin Anij ej kōn kōm̄mani iaḷ ko ñan kalōk tōmak ilo Jisōs Kraist im jep̄laak tok in kōjpeḷ eo An ñe rej iddik wōt. Innem jej aikuḷ jipaḅ kōkāāl tōmak eo iien eo em̄ōkaj tata m̄okta jān an mājkunloḵ ilo aer jejloḵ jān iaḷ eo.

Kōn menin, kwe im ña maroḅ kōtmene wōnmaānloḵ in iien em̄man ñan jipaḅ ri ito itak ro ibwilijin ajri ro nejin Anij. Rilōm̄oḷ eo eaar jiroḅ kōj etke ejjab bōjrak iien ko rem̄man ñan jipaḅro jet ke E eaar kōmeḷeḷeik iaḷ eo ekauwōtata ñan aolep ajri in jetōb ko nejin Anij ilo ioḷapḷap in ta eo jerawiwi im Satan raar ejaake:

“Kom̄win deḷoḅ ilo kōjām eo erāniḅ; bwe edpakpak kōjām eo, im eḷap iaḷ eo eo ej tōl ñan kakkure, im elōḅ renaaj pād ijo kōjām eo edpakpak;

“Kōnke erāniḅ iaḷ eo, eo ej tōlloḵ ñan mour, im jet wōt renaaj lo e.”¹

Reiloḵ im lo aikuḷ ko an ajri ro Nejin, Jemedwōj Ilaḅ eo ej iakwe eaar likūt tōl ko im ri loḷm̄oḷ ro ilo iaḷ ko aer loḵ. E eaar jilkintok Nejin, Jisōs Kraist, ñan kōm̄man iaḷ em̄man epidodo im alikar. E eaar kūr āinwōt An rikanaan ilo tōre kein, Būreejtōn Thomas S. Monson. Jān ke eaar jodikdik, Būreejtōn Monson kar katakin ejjab wōt kōn ewi wāween pād wōt ilo iaḷ eo bōtaab ñan loḷm̄oren ro em̄ōj aer tōlloḵ ñan kabūrom̄ōjm̄ōj.

Jemedwōj Ilaḅ eaar likūt kōj ilo eḷoḅ kain wāween ko ñan kōkajoorloḵ im, ñe aikuḷi, ñan tōl ritoitak ro ñan kōjparok. Jerbal eo ad eaorōk tata im kajoortata rej ilo baamḷe. Raorōk kōnke baamḷe ewōr an iien ko rem̄man ilo jino in mour eo an juōn ajri ñan kapene neen ajri eo ilo ial eo loḵ ñan laḅ. Ro jinen im jemen, jemjen jemjatin ro, būbū im jimma, ro renaaj jine im rūkorea ro, rej kōkajoorloḵ tōl ko im ri loḷm̄oren ro kōn korak ko an iakwe me rej lukkun an juōn baamḷe.

Baamḷe eo ejeram̄man ilo iiō ko ralitōk im̄aan ilo mour an juōn ajri. Ilo iien in kōjparok kein, kōn Pinmuur eo an Jisōs Kraist, Satan ej kōjērbal marok leplep ñan ḷooj iaḷ eo ñan bar rool ñan m̄we. Ilo iiō ko im̄aanloḵ, Irooj ej jipaḅ baamḷe ko kōn kūr rijerbal ro ñan jipaḅ kōkajoorloḵ ajri ro ilo jetōb. E ej barāinwōt kōpooj rikabwijer ro an Pūrijtuut eo an Arōn ñan leloḵ kwojkwoj eo. Ilo jar in kwokwoj ko, ajri ro rej roḅjake kalim̄mur eo me remaroḅ bōk Jetōb eo an Anij eḷaḅne rej pokake kien ko anAnij. Āinwōt juōn uwaak, rej pokaj ñan jum̄ae kapo ñe ej itok innem, jet iien ilo iien ko rej itok, rej iloḵ ñan loḷm̄oren ro jet.

Elōn bisop ro ilo Kabuñ in rej imwe ñan kūr armej ro rekajoor tata ilo ward eo ñan jermal ippān kajjojo ajri ro ilo Piraimere. Rej kile bwe elañne ajri ro rejjab kajoor, kōn tōmak im naan in kamool, renaaj aikuj rilomqor elañne rej jodikdik. Rej kile bwe juōn pedped in jetōb ekajoor emaroñ in kōmman oktak ilo aolepen juōn mour.

Jemaroñ aolep jipañ. Būbū ro, jimma ro, im aolep uwaan eo ejeļā bwe juōn ajri emaroñ jipañ. Rejjab aikuj in bwe en wōr aer kūr ilo Piraimere. Ak iien emman ñan jipañ. Juōn baj kōrā, āinwōt juōn armej eo edik, eaar pād ilo doulul eo an Piraimere eļap me eaar jipañ ejaake matto eo KJE.

Liin eaar jab mōk in jermal ñan ajri ro. Liin eaar katakin ilo Piraimere eo ilo ward eo an, ilo kōnaan eo an make māe iien eaar nañin tōpar 90 iiō dettan. Ajri ro reddik remaroñ eñjake iakwe eo an ñan er. Raar lo waanjoñak eo an. Raar katak jān e pedped ko repidodo an kojpeļ eo an Jisōs Kraist. Im ilōn in men otemjej, kōn waanjoñak eo an, raar katak ñan eñjake im kile Jetōb Kwojarjar eo. Im ñe rej kile, raar jino bōk tōmak eo rej aikuji ñan jumae kapo. Rejjab āinwōt naaj aikuj in lomqoren im repojok ñan ilok ñan lomqoren ro jet.

Ładdik eo eritto tata nejim ejjañin kar peptaij. Ro jien im jemen, rūkaki in Piraimere ro im ri karejeran ro an pūrijtuut eo raar kajioñ jipañ e eñjake im kile Jetōb eo im jeļā ekōjkan ñan bōk jipañ eo An.

Juōn ālkin raelep, kōrā eo pāleō eaar bōk e ñan juōn mōn kōrā eo eaar katakin e ñan riit. Karōk eo am eaar bwe Ña in kar tōn bōk e ilo iaļ eo aō ñan mweo jān jermal.

Katak eo an eaar mōkaj an jemļok jān am kar kōtmene. Eaar kōjatdikdik bwe eaar jeļā iaļ eo ñan mweo. Kōn menin, eaar jino etetal. Eaar ba ālkin bwe eaar wōr an kōjatdikdik elikieo im kōnaan ļōmñak eo kōn make ļok ilo iaļ eo. Ālkin an etal eñanin jimettan maļ, eaar jino an marok. Eaar jino an ļōmñak bwe ej aitok wōt iaļ eo an ñan mweo.

Emaroñ kememej wōt bwe meram ko an waan ettōr ko ilo aer eļļā jān e raar tab kōn dān in kōmjaļāļ. Eaar eñjake bwe e eaar āinwōt juōn ajri, ejjab ładdik eo eaar kōjatdikdik eo eaar jino kar an etetal ñan mweo make. Eaar kile bwe eaar aikuj iaļ. Juōn men eaar itok ñan ļōmñak eo an. Eaar jeļā eaar aikuj in kar jar. Im kōn menin eaar etal ļok jān iaļ eo ñan jet wōjke me emaroñ jidik wōt an loi ilo marok. Eaar lo juōn jikin ñan bukwelōlō.

Jān bulōn maar ko, emaroñ roñ ainikien ko rej kaiookļok e. Ruo jodikdik ro raar roñ an jañ. Ke rej epaakeļok, raar ba, “Jemaroñ ke jipañ eok?” Kōn dān in kōmjaļāļ eaar jiroñ er bwe eaar jōbwābwe im bwe eaar kōnaan rool ñan mweo. Raar kajjitōk elañne eaar jeļā talpoon nōmba ak

atreej in m̄weo im̄ōn. Eaar jaje. Raar kajjitōk eļaññe raar jeļā etan. Raar tōl ļok e n̄an juōn jikin epaak ijo raar joke ie. Raar lo etan baam̄le eo am ilo juōn bok in talpoon.

Ke iaar uwaak e talpoon eo, Iaar ekairir n̄an l̄om̄q̄or, kam̄oolol bwe armej rein rejouj raar pād ilo iaļ eo an ļok n̄an m̄weo. Im, eļap aō kam̄oolol bwe eaar katak n̄an jar kōn tōmak bwe jipañ enaaj kar itok ilo tōre eo eaar jōbwābwe. Bwe tōmak eo eaar tōl e n̄an kōjparok im kar bōk ļok n̄an e ril̄om̄q̄or ro elōñ kōttan jān an maroñ bar būni.

Irooj eaar likūt juōn joñak in l̄om̄q̄or im ril̄om̄q̄or ro ilo aelōñ in kiiñ eo An. Ilo meletlet eo An, Irooj eaar im̄we rikarejeran ro An n̄an likūt jet iaan wāween ko rekajoor n̄an kōkajoorļok kōj, im n̄an likūt ilo jikier ril̄om̄q̄oren ro rem̄man tata, ilo ad eļļā jān iiō in jodikdik ko.

Kom̄ jeļā ruo iaan būrokraam̄ ko rekajoor kōm̄mani jān Irooj. Juōn, n̄an Doulul eo an Jiroñ roej ña etan, “Eddōkļok an Juōn make.” Eo juōn, n̄an rikabwijer Priesthood eo an Arōn, ej ña etan, “Eddo n̄an Anij.” Kōm̄ij kōketak jodikdik ro ilo diktak in epepen eo n̄an lo aorōk ko aer n̄an kalōk juōn kajoor eļap ilo jetōb. Im kōm̄ij akweļap ippān ro me rej kōjparok jodikdik ro n̄an kōm̄mani men Irooj ej kōtmene jān kōj n̄an jipañ er. Im kōnke tokālik eo an Kabuñ in ej pedped ioer, aolepedwōj rej kea.

Būrookraam̄ ko ruo em̄ōj aer kōkman̄maniļok bōtaab kōttōpar eo aer ejjab oktak. Būreejtōn Monson eaar likūt ilo wāween in: jej aikuj “katak ta eo jej aikuj katak, kōm̄mane ta eo jej aikuj kōm̄mane, im erom ta eo jej aikuj erom.”²

Personal Progress booklet eo n̄an jiroñ ro ej kwaļok wun eo ealikaar n̄an er: “Eddōkļok an Juōn make būrookraam̄ eo ej kōjjerbal ralitōk aorōk ko an Doulul eo an Jiroñ ro n̄an jipañ eok meļeļe eļapļok wōn kwe, etke kwōj pād ijin ioon laļ in, im ta eo kwōj aikuj kōm̄mane āinwōt juōn leddik nejin Anij n̄an kōpopo n̄an raa eo konaaj etal n̄an tampeļ n̄an kōm̄mani bujen ko rekwojarjar.”³

Bok eo ej wōnmaanļok wōt im ba bwe jiroñ ro renaaj “kōm̄man kalim̄mur ko, būk ipper, im ripoot ļok kōn eddōkļok eo an n̄an eo jinen ak jemen ak ritōl eo an.” Ej barāinwōt kalim̄mur bwe, “Joñak ko kwōj ejaaki ilo am̄ jerbale Eddōkļok an Juōn make – āinwōt jar, ekkatak jeje ko rekwojarjar, jermal in jipañ, im jeje ilo journal—enaaj erom iminene ko an juōn kajjojo raan. Iminene kein renaaj kōkajoorļok naan in kam̄ool eo am̄ im jipañ eok katak im eddōkļok ilo aolepen mour eo am̄.”⁴

Jermal n̄an Anij būrookraam̄ eo n̄an likao ro ilo Priesthood eo an Aron em̄ōj an kōkajoorļok im kapidodoik ļok. Enaaj pād wōt ilo juōn bok n̄an aolepen opij ko jilu an Priesthood eo an Aron.

Doulul eo an Likao ro im ritōl ro aer renaaj bōk juōn kape in bok in ekāāl. Ej juōn kein jermal ekajoor.

Būrookraam̄ kein jimor rej likūt juōn eddo eļap ilo kijejeto ko an jodikdik make. Rej riwainene n̄an katak im n̄an kōm̄mani men ko me renaaj reppen n̄an jabdewōt. Ilo aō reiliklōk kōn aō kar jodikdik, ijjab maroñ kememej n̄e eaar lukkuun pen. O, ilo jet iien ko kar karuwaineneik eō n̄an anjo ioon mālijjoñ ko bōtaab ejjab aolep iien. Būrookraam̄ kein rej kōtmene jab bōjrak, kijejeto eļap, im eddōklōk jān katak im eñjake ko ilo jetōb iumwin elōñ iiō.

Ñe ij lōm̄nak kake, ij kile bwe kobban bok kein raar lukkuun bōk jikin lōke eo an Irooj ilo diktak in epepen eo im ilo kōjwōj aolep ro me rej iakwe jodikdik rein. Im emōj aō lo kein kaṃool bwe lōke eo ejejjet im em̄man jikin.

Ilo loļok ko aō ij lale an doulul ko an Pūrijtuut eo an Arōn jermal. Emōj aō lo an likao ro ļoor joñak ko an katak, kōm̄mani karōk ko n̄an kōm̄mane ta eo Anij ekōṇaan jān er, innem ilok wōt n̄an tae o raar kalim̄mur n̄an kōm̄mane, im kwaļok n̄an ro jet ekōjkan aer oktak ilo jetōb. Ilo aō lale im roñjake, ej alikkar bwe ro jemen, ro jinen, ritōl ro ro mōttaer, im jekdoon ro riturier ilo juōn jarlepju, kar im̄we jān Jetōb eo ilo aer roñjake jodikdik ro kaṃool ekōjkan aer kar kajoorlōk. Jodikdik ro raar koweppānļok n̄e raar kwaļok naan in kaṃool eo im barāiwōt ro me raar kajioñ in jipañ er wanlōntak.

Būrookraam̄ eo an Doulul eo an Jiroñ ro ewōr ie ejja joñak in wōt ekajoor n̄an kaddōklōk kajoor in jetōb eo ilo jiroñ ro im n̄an letok iien em̄man n̄an kōj n̄an jipañ er. Eddōklōk an Juōn make ej jipañ Doulul eo an Jiroñ ro kōpopo n̄an bōk kaiñ ko an tampeļ. Rej jipañ jān waanjoñak ko an ro jinen, ro jibūūn, im aolep kōrā rejim̄we ipeļakier ilo Kabuñ in. Emōj aō lo ekōjkan an ro jinen im jemen kar jipañ juōn nejin leddik tōpar menin kōttōpar ko an im ettōnak ko kōn jeļā im kaṃoolol kōn aolep men rem̄man ej kōm̄mani.

Jet raan remōotlōk iaar lale an juōn jinen jutak ippān leddik eo nejin ilo aerro bōk nōbar ippān doon kōn erom̄ waanjoñak ko ejej uwaer. Im ilo aer kar kwaļok n̄an eō ta meļeļe in n̄an er, iaar eñjake mālim im kōketak eo an Irooj n̄an kōj aolep.

Iaan aolep jipañ jemaroñ leļok n̄an jodikdik rein, eo eļaptata enaaj n̄an kōtlōk bwe ren eñjake lōke eo ad bwe rej pād ilo iaļ eo n̄an m̄weo ippān Anij im bwe ren maroñ tōpare. Im jej kōm̄mane em̄mantata kōn etal ippāer. Kōnke iaļ eo eju im jet iien edekāke, renaaj ilo jet iien eñjake ebbwer im meñe tūbbok. Remaroñ ilo jet iien ko jino pok kōn mejān kajjik eo aer im jeļok im bukōt menin kōttōpark ko rejjab n̄an indeeo. Būrookraam̄ kein reim̄we rej kōm̄man

bwe en dikļok kōnke renaaj tōl jodikdik ro n̄an karuwaineneik tok im bōk jemjerā eo an Jetōb Kwojarjar.

Keañ eo em̄mantata n̄an ad leļok n̄an jodikdik roe j bwe remaroñ in wōt tōkāk ļok ippān Jemed Ilañ n̄e rej tōl im kajim̄we jān Jetōb eo an Anij. Kōn menin, eļaññe jej meletlet, jenaaj kōketak, nōbar, im kwaļok aolep men me ej karuwaineneik tok jemjerā eo an Jetōb Kwojarjar. N̄e rej kwaļok n̄an kōj ta eo rej kōm̄mane im eñjake jej aikuj kōn kōj make karpōb n̄an Jetōb Kwojarjar eo. Innem, renaaj eñjake ilo ad nōbar im ad ettōñ dikdik mālim eo an Anij. Im, eļaññe jej eñjake aikuj eo n̄an leļok keañ eo ejim̄we, renaaj eñjake iakwe eo ad im iakwe eo an Anij ilo keañ eo ad, renaaj pan kōtļok ta eo Satan ej kōtļok n̄an tōl er ettoļok.

Waanjoñak eo eļap tata aer aikuj jān kōj ej n̄an kōm̄mane ta eo rej aikuj kōm̄mae. Jej aikuj in jar kōn menin letok ko an Jetōb. Jej aikuj kejōkļokjeñ ilo jeje ko rekwojarjar im ilo naan ko an rikanaan ro remour. Jej aikuj kōm̄mani karōk eo ejjab kōṇaan wōt bōtaab bujen ko. Innem jej iakuj in kōjparok kalim̄mur ko ad n̄an Anij. Im jej aikuj kotak ro jet ilo kwaļok ipper kōjeram̄man ko an Pinmuur eo me rej itok n̄an mour ko ad.

Im jej aikuj in kwaļok ilo mour ko ad dim im wōnmaañļok ilo tiljek me Irooj ej kōtmene jān kōj. Ilo ad kōm̄mane, jenaaj jipañ er eñjake jān Jetōb juōn kaṇool bwe eļaññe renaaj kijiñeñe renaaj roñjake naan ko jān Rilom̄oṇ im Jemed Ilañ ro rej iakwe: “. . . Em̄man im tiljek, kwaar tiljek kōn men ka re iiet, Inaaj kairooj eok ioon men ko re lōñ: kwōn deļoñilo lañlōñ an aṇ irooj.”⁵ Im kōj ro rej jipañ er naaj roñ naan ko kōn lañlōñ.

Im jej aikuj in kwaļok ilo mour ko ad dim im wōnmaañļok ilo tiljek me Irooj ej kōtmene jān kōj. Ilo ad kōm̄mane, jenaaj jipañ er eñjake jān Jetōb juōn kaṇool bwe eļaññe renaaj kijiñeñe renaaj roñjake naan ko jān Rilom̄oṇ im Jemed Ilañ ro rej iakwe: “. . . Em̄man im tiljek, kwaar tiljek kōn men ka re iiet, Inaaj kairooj eok ioon men ko re lōñ: kwōn deļoñilo lañlōñ an aṇ irooj.”⁵ Im kōj ro rej jipañ er naaj roñ naan ko kōn lañlōñ. Ilo etan Jisōs Kraist, amen.

KAKEMEMEJ KO

1. 3 Nipai 14:13–14.
2. Thomas S. Monson, “N̄an Katak, N̄an kōm̄mane, N̄an *Erom*” *Liahona* and *Ensign*, Nobōm̄ba. 2008, 67.
3. *Young Women Personal Progress* (booklet, 2009), 6.
4. Matu 25:21.